



05 2022 й.

**Миллий ва чет эл валюталарида талаб қилиб олингунча депозит ҳисоб рақамларини очиш ва унга хизмат кўрсатиш учун шартнома тузиш бўйича жисмоний шахсларга
ОММАВИЙ ОФЕРТА**

1. УМУМИЙ ҚОИДАЛАР

- 1.1. Ўзбекистон Республикаси, Тошкент шахри, 100029, Т.Шевченко кўчаси, 1-й манзилида жойлашган Чет эл капитали иштирокидаги “Invest Finance Bank” акциядорлик тижорат банки (кейинги ўринларда “Банк”) ушбу билан мазкур офертани қабул килган жисмоний шахслар (кейинги ўринларда “Мижоз”) га куйида кўрсатиб ўтилган харакатларни амалга ошириш йўли билан миллий ва хорижий валютада талаб қилиб олингунча депозит ҳисоб рақами бўйича (кейинги ўринларда “банк ҳисоб рақами” ёки “ҳисобварак”) амалиётларни амалга ошириш юзасидан хизматларни таклиф қилади.
- 1.2. Ушбу оммавий оферта Мижозга талаб қилиб олингунча депозит ҳисоб рақамини очища, шунингдек, халқаро пул ўтказмалари бўйича хизмат кўрсатишда миллий ва хорижий валютадаги талаб қилиб олингунча депозит ҳисоб рақами шартномаси ҳисобланади.
- 1.3. Ушбу шартноманинг предмети бўлиб Банк томонидан Мижознинг пул маблағларини талаб қилиб олингунча депозитига қабул қилиш, барча турдаги ҳисоб-китоб ва касса хизматларини амалга ошириш, Мижознинг банк ҳисоб рақамига тушаётган пул маблағларини қабул қилиш ва ўтказиш ҳамда Мижознинг пул ўтказиш ва тегишли маблағларни бериш бўйича топширикларини бажариш, шунингдек халқаро пул ўтказмалари бўйича амалиётларни амалга ошириш ҳисобланади.
- 1.4. Мижоз томонидан Банк хизматлари ўз вактида тўланганда ва ушбу шартнома бўйича ўз зиммасига олган барча мажбуриятлари бажарилганда Банк томонидан ушбу шартнома бўйича хизматлар кўрсатилади.

2. ШАРТНОМА ТУЗИШ ТАРТИБИ

- 2.1. Ушбу Талаб қилиб олингунча депозит ҳисоб рақами шартномаси жисмоний шахслар-мижозлар билан оммавий оферта шартларида тузилади. Жисмоний шахс томонидан мазкур оммавий офертанинг 1-иловасидаги шакл бўйича Банкка ариза берилиши акцепт (ушбу шартномани тузишга розилик) деб ҳисобланади. Банк томонидан акцепт олинган ва Мижозга банк ҳисоб рақами очилган пайтдан бошлаб ушбу шартнома ёзма шаклда тузилган, деб ҳисобланади.
- 2.2. Банк ҳисоб рақамини очиш Мижознинг аризаси, шунингдек унинг шахсини тасдиқловчи хужжатнинг асл нусхаси асосида амалга оширилади.

3. МИЖОЗНИНГ ҲУҚУҚ ВА МАЖБУРИЯТЛАРИ

3.1. Мижоз қуидагиларга ҳақли:

- Банк ҳисоб рақамида турган ўз пул маблағларини мустакил бошқариш, ўз ҳисоб рақамига нақд ва нақд пулсиз шаклда пул маблағларини киритиш;
- агар Ўзбекистон Республикасининг амалдаги қонунларида бошқача тартиб назарда тутилган бўлмаса, ушбу Шартнома шартлари бўйича депозит маблағини тўлдириш;

- пул-хисоб-китоб хужжатларини тузиш ва банк амалиётларини амалга ошириш учун зарур бўлган маълумотларни Банқдан олиш;
- нақд пулсиз ҳисоб-китобларни расмийлаштириш тартиби тўғрисида маълумот олиш;
- ҳисоб рақамдаги маблағларни шахсан ҳамда ўз вакили орқали (ишончнома асосида) тасарруф этиш, агар Ўзбекистон Республикасининг амалдаги қонунлари билан бошқача тартиб назарда тутилган бўлмаса;
- Банқдан ушбу шартнома шартларига риоя қилишни талаб қилиш;
- ўзи олган кредит (қарз) бўйича гаровда турган ўз ҳисоб рақамидаги пул маблағларини кредит (қарз)ни тўлашга йўналтириш;
- мазкур шартномани Ўзбекистон Республикаси қонун хужжатларида белгиланган тартибда бекор қилиш;
- ариза асосида СМС-хабардор қилиш хизматидан воз кечиш;
- агар банкда янги омонат дафтарчалари мавжуд бўлиб, дафтарча саҳифалари тўлиқ тўлдирилган ёки у яроқсиз холга келган ёки йўқолган бўлса, банк Тарифларига мувофиқ (агар бу Банк Тарифлари билан назарда тутилган бўлса) воситачилик ҳақини тўлаб, янги омонат дафтарчаси олиш.

3.2. Мижоз қуйидагиларни ўз зиммасига олади:

- Банқда белгиланган иш вактига, тўлов хужжатларини расмийлаштириш ва тақдим этиш тартибига, амалдаги қонун хужжатлари талабларига, шунингдек, Ўзбекистон Республикаси Марказий банкининг меъёрий хужжатларига риоя қилиш;
- Ўзбекистон Республикасининг амалдаги қонунларига мувофиқ банк ҳисоб рақами бўйича ҳисоб-китобларни амалга ошириш;
- ўз ҳисоб раками ҳолати тўғрисида маълумот олаётганда, ўтказилган амалиётларнинг ҳисоб-китоб хужжатларига мувофиқлигини текшириш. Ўтказилган амалиётларда оғишлиар, бузилишлар ёки шубхалар аниқланган тақдирда, бундай маълумотлар олинган пайтдан бошлаб 2 иш кунидан кечиктиримай бу ҳақда Банкни ёзма равишда хабардор қилиш;
- хизматлар кўрсатилган кунда амалда бўлган Банк томонидан белгиланган тарифларга мувофиқ ҳисоб ракамга банк томонидан хизмат кўрсатганлик учун ўз вактида ҳақ тўлаш;
- Банкка тақдим этилган ҳисоб-китоб ва бошқа хужжатларда кўрсатилган маълумотларнинг нотўғрилиги учун мустакил равишида тўлиқ жавобгар бўлиш;
- шахсини тасдиқловчи хужжатларига киритилган ўзгартиришлар, ўзгарган яшаш жойи ва боғланиш телефонлар рақамлари тўғрисида дарҳол шу куннинг ўзидаёқ Банкни хабардор қилиш, шунингдек, шахсни тасдиқловчи хужжатларнинг нусхаларини тақдим этиш;
- ҳисоб ракам бўйича ҳар қандай амалиётларни амалга оширишда шахсни тасдиқловчи хужжат (мижоз вакили учун эса шунингдек белгиланган тартибда расмийлаштирилган ишончнома) ни тақдим этиш;
- ҳисоб ракам ёпилган куни омонат дафтарчасини қайталиш (дафтарча йўқотиб қўйилган ҳолатлар бундан мустасно).

3.3. Мижоз Ўзбекистон Республикасининг амалдаги қонунларига мувофиқ бошқа хукуқ ва мажбуриятларга ҳам эга бўлиши мумкин.

4. БАНКНИНГ ХУҚУҚ ВА МАЖБУРИЯТЛАРИ

4.1. Банк қуйидагиларга ҳақли:

- ҳисоб рақамга нисбатан талаф кўйилганда пул маблағларининг мавжудлигини ва Мижознинг ушбу маблағларни ҳисоб рақамдаги маблағ доирасида эркин тасарруф этиш хукукини кафолатлаган ҳолда Мижознинг банк ҳисоб рақамидаги пул маблағларидан молиявий ресурслар манбаи сифатида фойдаланиш;
- Банк тарифларига мувофиқ банкка тўланиши лозим бўлган воситачилик ҳақини Мижознинг ҳисоб рақамидан акцептсиз ечиб олиш;
- ҳисоб рақамга хизмат кўрсатиш учун тарифларни белгилаш;

- Мижоз томонидан амалдаги қонун хужжатларини, жиной ғаолиятдан олинган даромадларни легаллаштиришга ва терроризмни молиялаштиришга ҳамда оммавий қирғин куролларини тарқатишни молиялаштиришга қарши курашиш түғрисидаги қонун хужжатларини бузганлик ҳолатлари мавжуд бўлганда, шунингдек ҳисоб-китоб хужжатларини расмийлаштириш тартиби ва уларни Банкка тақдим этиш муддатлари бузилганда Мижознинг банк ҳисоб рақами бўйича амалиётларни тўхтатиб туриш ёки уларни амалга оширишни рад этиш;
- Ўзбекистон Республикаси қонун хужжатлари, шунингдек, Ўзбекистон Республикаси Марказий банкининг меъёрий хужжатлари билан Банк зиммасига юклатилган мажбуриятларни бажаришга қаратилган бошқа ҳаракатларни амалга ошириш;
- қонун хужжатларида белгиланган тартибда ушбу шартномани бекор қилиш тўғрисида талаб қўйиш.

4.2. Банк қўйидагиларни ўз зиммасига олади:

- ушбу шартномада назарда тутилган тартибда ва шартларда Мижознинг банк ҳисоб рақамига тушаётган пул маблағларини қабул қилиш ва ҳисобдан чикариш, Мижознинг ҳисоб рақамидан тегишли маблағларни ўtkазиш ва ечиб олиш бўйича топширикларини бажариш, ҳалқаро пул ўтказмалари ва омонатга доир амалиётлар бўйича бошқа ҳаракатларни амалга ошириш;
- Мижознинг ҳисоб рақамига пул маблағларини ўtkазиш ёки тегишли тўлов хужжати Банк томонидан қабул қилинган куннинг ўзида унинг ҳисоб рақамидан пул маблағларини чикариш, агар у Банкнинг амалиёт ўtkазиш кунида келиб тушган бўлса. Агар тўлов хужжати амалиёт куни тугаганидан кейин келиб тушган бўлса, Банк кейинги иш кунидан кечиктирмай тўловни амалга ошириши шарт;
- Мижознинг ҳисоб рақами бўйича амалиётларни сир сақлаш. Мижознинг розилигисиз ҳисоб рақам бўйича амалиётлар тўғрисидаги маълумотлар фақат Ўзбекистон Республикасининг амалдаги қонунларида назарда тутилган ҳолларда учинчи шахсларга тақдим этилади;
- Мижоз банк тарифлари билан мустақил равишда таниша олиши учун Банкнинг www.infinbank.com расмий сайтига Банк тарифларини жойлаштириш;
 - нақд пул қўйиш учун Мижозни ариза бланкалари билан таъминлаш;
 - Мижознинг талабига биноан ҳисоб рақамдан кўчирмалар тақдим этиш;
 - қонун хужжатларида белгиланган тартибда Мижознинг биринчи талабига биноан пул маблағлари (депозит) ни ёки унинг бир қисмини қайтариш.

4.3. Банк Ўзбекистон Республикасининг амалдаги қонун хужжатларига мувофиқ бошқа хукуқ ва мажбуриятларга ҳам эга бўлиши мумкин.

5. ТОМОНЛАРНИНГ МАЖБУРИЯТИ

- 5.1. Мижоз ўзи томонидан Банкка тақдим этилган пул-ҳисоб-китоб ёки бошқа хужжатлардаги маълумотларнинг нотўғрилиги ёки сохталиги учун жавобгар бўлади ва Банкка бундай маълумотларни тақдим этиш натижасида етказилган зарарни қоплаши шарт.
- 5.2. Мижоз телефон рақами ўзгарганлиги ҳакида Банкни ўз вақтида хабардор қилмаган тақдирда Банк Мижознинг мобил телефонига омонат тўғрисида СМС-маълумот жўнатганда банк сирларининг ошкор этилиши учун, шунингдек, унга омонат бўйича хабарларни ўз вақтида юбормаганлик учун жавобгар бўлмайди.
- 5.3. Мазкур шартномада назарда тутилмаган ҳолларда томонлар (Банк ва Мижоз) ушбу шартнома бўйича ўз зиммаларига олган мажбуриятларни бузганликлари учун Ўзбекистон Республикасининг амалдаги қонунларига мувофиқ жавобгар бўладилар.

6. ФОРС – МАЖОР

- 6.1. Томонлар ушбу шартнома бўйича мажбуриятларни бажармаганлик ёки лозим даражада бажармаганлик учун жавобгарликдан озод килинадилар, агар ушбу шартнома тузилгандан кейин томонлар олдиндан кўра олмаган ва оқилона чоралар билан олдини ололмаган фавқулодда ҳолатлар оқибатида юзага келган енгиб бўлмас куч натижасида бўлса.

6.2. Енгид бўлмас куч ҳолатлари юзага келган тақдирда, ушбу шартнома бўйича мажбуриятларни бажариш муддатлари бундай ҳолатлар ва уларнинг оқибатлари амал қиладиган вактга мутаносиб равишда кечикирилади.

7. ШАРТНОМАНИНГ АМАЛ ҚИЛИШ МУДДАТИ

- 7.1. Ушбу шартнома Банк томонидан Мижоз акцепти олинган пайтдан ва омонат суммаси Банкка келиб тушган кундан бошлаб ёзма шаклда тузилган деб хисобланади ва томонлардан бири уни бекор қилмагунча амал қиласди.
- 7.2. Ушбу шартнома Мижознинг аризасига асосан исталган вактда бекор қилиниши мумкин.
- 7.3. Банкнинг талабига биноан ушбу шартнома Ўзбекистон Республикаси қонун хужжатларида назарда тутилган ҳолларда бекор қилиниши мумкин.
- 7.4. Банк хисоб рақами шартномасининг бекор қилиниши Мижознинг хисоб рақамини ёпиш учун асос ҳисобланади.

8. ШАРТНОМАНИНГ БОШҚА ШАРТЛАРИ

- 8.1. Шахсий маълумотлар тўғрисидаги қонунчилик талабларига мувофиқ, Мижоз Банкка ўз фаолиятини юритиши, Банк томонидан мазкур шартнома шартларини бажариш ҳамда Ўзбекистон Республикаси қонунчилигига зид бўлмаган бошқа максадларда Банк томонидан Мижознинг ҳар қандай шахсий маълумотларига ишлов бериш ва улардан фойдаланишга муддатсиз розилигини тақдим этади.
- 8.2. Ушбу билан Мижоз барча алоқа воситалари: почта тарқатмаси, СМС-тарқатма, овозли тарқатма, электрон хатлар тарқатмаси ва ҳ.к.дан фойдаланган ҳолда, аммо улар билан чекланмасдан бевосита алоқаларни амалга ошириш йўли билан Банк хизматларини тарғиб қилиш билан боғлиқ реклама материалларини Банкдан қабул қилишга ўз розилигини билдиради.
- 8.3. Мижознинг аризасига асосан (ушбу офертага 1-илова):
 - Агар бир йил давомида хисобварақ бўйича амалиётлар амалга оширилмаса ва хисобварақда қолдиқ бўлмаса, Банк шартномани бекор қиласди ва Мижознинг хисобварағини ёпайди;
 - Агар бир йил давомида хисобварақ бўйича амалиётлар амалга оширилмаган бўлса ва хисобварақ бўйича қолдиқ мавжуд бўлса, хисобварақдаги қолдиқ Банк томонидан ҳаракатсиз хисоб рақамига ўтказилади, шундан сўнг ушбу шартнома бекор қилинади ва Мижознинг хисобварағи ёпилади.
- 8.4. Агар Мижоз банк хисобварағидаги қолдиқ ҳаракатсиз хисобвараққа ўтказилганидан кейин 10 йил давомида ушбу қодикни талаб қиласа, ҳаракатсиз хисобварақдаги қолдиқ “29840 – Молия вазирлигига ўтказиладиган талаб қилиб олинмаган депозитлар” хисобварағига ўтказилади.
- 8.5. Агар техник жиҳатдан имкон бўлса, омонат (омонат очилаётган филиалда очилган барча депозитлар) очишида омонат қолдиғи, кирим ва чиқим амалиётлари тўғрисида ва бошқа зарур маълумотларни Мижознинг мобил телефонига юбориш учун СМС-хабарнома хизмати уланади.
- 8.6. Омонат бўйича амалиётлар тўхтатиб кўйилган ҳолларда, Банк амалиётлар тўхтатилган кундан бошлаб кейинги иш кунидан кечиктирмай Мижозга унинг хисоб рақамига хизмат кўрсатиш тўхтатиб кўйилганлиги ва унинг сабаблари тўғрисида маълумот (хабар) юборади.
- 8.7. Кредитлар, микроқарзлар ва лизинг бўйича қарзларни тўлаш учун омонатдан пул маблағлари Мижознинг топшириғисиз ечиб олинган тақдирда, Банк пул маблағлари хисобдан чиқарилган кундан бошлаб кейинги иш кунидан кечиктирмай Мижозга почта орқали ечиб олинган сумма ва бунинг сабаблари, шунингдек у кимнинг фойдасига амалга оширилганлиги ҳақида хабарнома юборади.
- 8.8. Ушбу Шартноманинг 8.6. ва 8.7.-бандларида назарда тутилган маълумотлар (хабарномалар) мижозга шахсан, электрон алоқа ва бошқа алоқа каналлари орқали ҳам етказилиши мумкин. Мижоз маълумотни (хабарномани) етказиб бериш усулини банкка шахсан келиб ёки почта орқали ёзма ариза бериш орқали ўзгартиришга ҳақли. Шу билан бирга Мижоздан қабул қилинган ариза Банк томонидан унинг банк хисоб рақамига доир йифма жилдда ёки омонат хисоб рақамлари бўйича алоҳида картотекада сақланади. Маълумотномани (хабарномани)

мижозга етказиб бериш усулининг ўзгариши муносабати билан ушбу шартномага ўзгартришлар киритиш талаб етилмайди.

8.9. Хисобваракдан фойдаланган ҳолда банк операцияларини масофавий амалга оширишда Мижоз қўйидагилар ҳакида огохлантирилади:

- ноқонуний операцияларга аралашиб қолиш хавфи Мижознинг зиммасида эканлиги ҳакида;
- Мижоз ноқонуний операцияларга аралашиб колган тақдирда, банк Ўзбекистон Республикасининг амалдаги қонунчилигига мувофиқ тегишли чоралар кўриши ҳакида.

8.10. Банкнинг банк операцияларини амалга ошириш хукуқига лицензияси Ўзбекистон Республикаси Марказий банки томонидан чакириб олинган тақдирда Мижознинг Банқдаги омонати бўйича ҳақ тўлашни кафолатлаш Фуқароларнинг банклардаги омонатларини кафолатлаш фонди томонидан амалга оширилади. Фонд томонидан Мижознинг Банқдаги омонати бўйича ҳақ тўлашнинг кафолатланиши Банк қайта ташкил этилиши муносабати билан лицензия чакириб олинган ҳолларга татбиқ этилмайди.

8.11. Ушбу Шартномадан келиб чиқадиган барча низоларни томонлар икки томонлама музокаралар йўли билан ҳал киладилар. Томонлар келишувга эришмаган келишмовчиликлар банк жойлашган жой бўйича судда ҳал қилинади.

8.12. Ушбу Офертани қабул қилиш орқали Мижоз шартноманинг барча шартларини сўзсиз қабул қилганлигини тасдиқлайди ва уни бажариш мажбуриятини олади.

9. БАНК РЕКВИЗИТЛАРИ

АТБ “InfinBank”

СТИР: 206 942 764, МФО: 01041, ОКЭД: 64190

Манзил: 100029, Тошкент ш., Т. Шевченко кўчаси, 1-уй

тел.: (71) 202-50-60

факс: (71) 140-50-70

Жисмоний шахсларга миллий ва хорижий валютада талаб қилиб олингунча депозит хисоб рақамини очиш ва унга хизмат кўрсатиш учун шартнома тузиш тўғрисидаги Оммавий офертага 1-илова.

Хисоб рақам очиш учун
АРИЗА

дан

Хисоб рақам очишингизни сўрайман:

Хисоб рақам тури:

- талаб қилиб олингунча депозит;
- муддатли депозит;
- омонат депозити;
- бошқа _____;

Хисоб рақам валютаси:

- Сўм;
- АҚШ доллари;
- Евро;
- бошқа _____;

Ўз имзоим намунасини бераман _____

Агар бир йил давомида хисобварагим бўйича амалиётлар амалга оширилмаса:

- ва хисобварагимда қолдиқ бўлмаса, шартномани бекор қилишингизни ва хисобварагимни ёпишишингизни сўрайман;
- ва хисобварагимда қолдиқ мавжуд бўлса, хисобварагимдаги қолдиқни харакатсиз хисоб рақамга ўтказишишингизни, шундан сўнг шартномани бекор қилишингизни ва хисобварагимни ёпишишингизни сўрайман;

Оммавий оферта шартлари ва хисоб рақамга хизмат кўрсатиш тарифлари билан танишдим ва розиман.

Хисоб рақам эгасининг
имзоси



Сана

— ____ йил

БАНКНИНГ ИШГА ОИД ҚАЙДНОМАЛАРИ

Ишга оид ҳаракат / қарор / қайдлар	Ходимнинг Ф.И.Ш.	Имзо
Аризани қабул қилди	_____	

_____ сонли
хисоб рақам

Кириллдид:

Чакана бизнес департаменти
директори в.в.б.

 Б.А.Давронов

Келишилди:

Бошқарув Раиси ўринбосари

 Б.С.Джураев

Чакана бизнес департаменти директори

 И.Т.Усманов

Ички аудит департаменти директори

 А.У.Режаматов

Юридик Департаменти директори в.б.

 Ж.М.Атамирзаев

Тапиштирилди:

Маркетинг ва реклама
департаменти директори



С.Ш.Акрамбаев